

1880 - Pagau giu la dieschma

La lescha cantunala pretenda da metter la dieschma da graun en daners. Igl ei vegniu quintau 80 stera graun che ha fatg la summa totala da 8600 frs.

La Gasetta Romontscha dils 2 da settember 1880 annunzia: En ina questiun denter ils vischins e la vischnaunca da Tujetsch pervia dil modus co cumprar ora la dieschma, fatga pendentia tiel Cussegl Pign, ei president districtual Tuor a Rabius eligius sco cumissari guvernatio.

La dieschma da **Tujetsch** ella farria ei pagada giu cun quintar 80 stera graun; 53 1/3 stera, 26 2/3 dumiec. La curtauna segal quintada 1.50 frs. la curtauna ed il dumiec 1 fr. la curtauna che dat capital 8600 frs., tscheins 430 frs. 1000 frs. capital mass anavos per las spesas, quei ei 50 frs. tscheins e resta 7600 frs., ni tscheins 380 frs.

Jeu declarel d'esser cuntents cun quei

Maurus Desax, da gliez temps plevon a **Sedrun**

La dieschma tenor urbari da 1838

Plinavon ha il plevon il dretg dalla dieschma en l'entira vischnaunca, oreifer a **Selva**, **Tschamut** ed a **Carmihut**, il qual dretg il beneficiat da **Selva** ha en quels dus loghens, sco era la dieschma da **Caspaua** s'auda al medem beneficiat. Il segnerfarrer encuntercomi tila dil beneficiat da **Selva** annualmein 8 curtaunas dumiec.

Remarca da pli tard:

La dieschma da graun ei vegnida messa en daners 1880 muort lescha cantunala. Igl ei vegniu quintau 80 stera e zuar segal 53 1/3, dumiec 26 2/3. La curtauna segal han ins quintau 1.50 e la curtauna dumiec 1 fr. = 8600 frs. Il segnerfarrer sto trer en il tscheins dil capital dieschma sin sias spesas.

La dieschma vegn dada sin la sequenta moda, numnadamein mintga 60 curtaunas auda ina al segnerfarrer, quei ei d'entellir ch'il farrer hagi quei dretg mo dil garnezi, dumiec, graun, e buca d'auters fretgs che creschan en la vischnaunca.

Certs loghens dattan la dieschma sin in'otra moda, quei vul dir mintga 40 curtaunas ina al farrer. Ils loghens vegnan cheu specificai: **Bugnei**, **Bagliel**, **Mulinez**, **Gravas**, **Nislas**, sco era da tschei maun dall'aua a **Nacla**, **Canadal** ed a **Surrein**, tut quei funs che schai sur la **Risteina Aulta**.

La dieschma dils loghens sura menziunai che dattan mintga 40 curtaunas ina al farrer, sto segnerfarrer dar la tiarza part da


quella dieschma alla baselgia parochiala da s.Vigeli; quei vul dir che segnerfarrer hagi per sesez, seigi per mintga 60 ina sia e quei che crescha ei dalla baselgia e fa ina tiarza, sco ei schon detg. Suenter la collecziun vegn ei fatg il quen per saver con ei tuchi da dar alla baselgia.

Exceptuai da dar la dieschma al segnerfarrer ein ils sequents loghens: ora **Bugnei** il **Prau Sura**, era il **Prau la Tscheppa** numnaus, a **Dieni** sco ils tiarms dalla crusch muossan e sco igl ei avunda enconuscent a mintgin che gauda ils funs en quels loghens.



1881 - Emprem tetg da stuors

Carli Cavegn daventa in piunier tuatschin. El cuoiera il tetg da siu hotel a Tschamut sco emprem cun stuors. Igl ei ina aschi impurtonta caussa ch'el attesta quei ils 9 da schaner 1882 alla suprastanza



Attestaziun – Emprem tetg da stuors en Tujetsch

Sin garegiar dalla titulada suprastanza da **Tujetsch**, saiel cheutras attestar, che jeu hagi questa primavera proxim passada fatg a **Tschamut**, sin ina restauraziun da miu hotel leu 260 peis quadrats tetg da „plech“, il qual ha custau a mi cumpleinamein 13.98 frs. il clafter quadrat, 36 peis quadrats.

El medem temps saiel era attestar, che quei ei igl emprem tetg da quella qualitat, ch'ei en **Tujetsch**.

Il sura attesta

Carli Cavegn

possessur dil sura hotel

Tujetsch, ils 9 da schaner 1882



Il tetg da stuors dalla casa da scola Sontget a Gonda

Ils protocols plaidan suandontamein:

La construcziun dil tetg era prevedida da setener vid la pratica usitada en la val cun duas alas tetg drizzadas viers sid nord. Il co en lezs graus vegn surschau alla cumissiun. Il scrinari e meister Gion Battista Schmid ha denton tschintschergnau si in tetg da crusch alla cumissiun ed aschia ei naschiu in tetg buca gest unitars cullas casas da **Tujetsch**. La casa da scola **Sontget** ei vegnida benedida e collaudada ils 16 d'october 1887.

Tochen 1908 han slondas cuvretg il tetg. Quellas ein lu vegnidas cuvretgas ina secunda gada cun slondas ton ch'ei ha dau in tetg dubel da slondas. Gia tschun onns pli tard offerescha il cantun 30% subvenziun per remplazzar las slondas cun stuors. Schegie ch'il tetg cun bunamein novas slondas vess aunc surviu 20 tochen 30 onns, ei la lavur vegnida executada. Forsa ha era la segirtad encunter fiug motivau a quella midada.

1881 - Lenna concedida

Il vischins dalla val han in onn ora duvrau bravamein lenna. Quei ei adina stau in prighel pigl uaul. Quel ha era oz la gronda funcziun da schurmetg encunter boas e lavinas. Quei ha pretendiu in uorden rigurs, ina controlla seriusa ed in reglament co conceder la lenna. Il vischin stueva dumandar per mintga lenn. Lubi libramein fuva pauc auter che rimnar cazzinas, miscalcas e scuar discharina e per part vegneva era aunc quei scumandau.

Davart las damondas e concessiuns da lenna mira pag. 1497

Lennas concedidas det in luv. Oberkeit. ils 13 de
 Febr. 1881. Schmetz as

Lista delle lennas del paese
 schlon das che vegnan concedidas
 regularmein mintga 2 onns. equi
 per igl on 1881

Marin & Anzin 1
 Gion Str. Schmetz & Schmetz 1
 Lorez Frans Giusep 1
 Lorez Sep Antoni 1
 Riedi Gion Rest 1
 Mugli Cristian 1
 Hez Sep Antoni 1
 Schmetz Wigili 1
 Pali Gion Antoni 1
 Berther Gion Antoni sette cas 1
 Berther Gion Antoni vegl 1
 Berther Gion Antoni da Rueras 1
 Duri Wenzin 1
 Berther Gion Crisost 1
 Duri Batesta Berther 1
 Ona Maria Mon, Zarcuns 1
 Frans Giossi 1
 Wigili Schmetz 1
 Giachen Antoni Schmetz 1
 Batesta Walier 1
 Wigili Berther genau 1
 Deflorin Duri 1
 Ber Barla 1
 Ber Gion Bistgaun 1
 Schmetz Gion Antoni 1
 Schmetz, assistent 1
 Schmetz Madalena 1
 Biart Wigili da Gionda 1
 Soliva Bruno 1
 Wert Wigili 1
 Schmetz Castgina da Gionda 1


Gliesta dallas lennas dad aissas e slondas che vegnan concedidas regularmein mintga dus onns e quei per igl onn 1881.

Flurin Wenzin	1
Gion Antoni Schmet, Tschamut	1
Lorez, frans, Giusep	1
Lorez Sep Antoni	1
Riedi Gion Rest	1
Mugli Cristian	1
Hez Sep Antoni	1
Schmet Wigili	1
Pali Gion Antoni	1
Berther Gion Antonu, salter cass	1
Berther Gion Antoni, vegl	1
Berther Gion Antoni da Rueras	1
Duri Wenzin	1
Berther Gion Crisost	1
Duri Batesta Berther	1
Ona Maria Mon, Zarcuns	1
Frans Giossi	1
Wigili Schmet	1
Giachen Antoni Schmet	1
Batesta Walier	1
Wigili Berther, genau	1
Deflorin Duri	1
Ber Barla	1
Ber Gion Bistgaun	1
Schmet Gion Antoni	1
Schmet, assistent	1
Schmet Madalena	1
Biart Wigili da Gionda	1
Soliva Bruno	1
Wert Wigili	1
Schmet Castgina da Gionda	1

1881 - Register digl archiv dalla pleiv

Igl onn 1881 ha colonel Rudolf de Hess-Castelberg da Mustér ordinau igl archiv dalla Pleiv Tujetsch. Quel sesanflava da gliez temps el pierti dalla baselgia da s. Vigeli a Sedrun.

Il register detagliau dat perdetga da sia rigurusa lavur d'inventarisaziun dils documents e dallas scartiras dalla pleiv. Lezs onns formavan pleiv e vischnaunca ina cuminonza. Aschia sesanflan aunc oz egl archiv dalla pleiv documents che han da far cun las alps tuatschinas, aschia era quel digl onn 1380.



La registraziun dil document da 1380


81 1380. un St.	Liberrindriufz Vor Hul.	Lehame Richter:	lourses 5. Pfarremus.	51
Georgentag.	brüta von Taweldchragen	Rudolf Venner	Nut Sigel von R.	
Liberrindriufz.	Vor Bruntzning Vor Elly	Untervogt zu	Venner ist abge-	
	„riff Tuff.“	„Disentis.“	riffen.	

nr. 81 1380, avrel 23

Peter Hainragutt e ses dus fegls Jakob e Marti engiran da sesuttametter alla dertgira da Tujetsch ni Mustér pert. lur dretgs pertuccont l'alp Val Giuv.

Original, tudestg, pergameina, egl archiv dalla pleiv, nr. 81.

Sigiladers: Rudolf Venner d. Z. Untervogt zu Disentis, cun siu sigil. Sigil ruts naven.



Kirchen-Archiv
Tawetsch
geordnet von
Oberst R. von Hess-Castelberg, Mustér
1881

1882 - Bostg, lenna da baghegiar

Il baghetg sil Bostg Dadora che han ils dretgs e regress da pretender lenna per diever e manteniment da quels dalla vischnaunca da Tujetsch ein quels da Rest Mathiu Huonder, ussa: Basilei Huonder e Thomas Jagmet da Mompe Tujetsch; Rest Desax, ussa: Clau Schmid da Cunel; Clau Martin Huonder, ussa: Giachen e Florin Bigliel da Mompe Tujetsch. - En la declaronza da 1882 ei tut nudau e precisau.

La declaronza plaida suandontamein:

Declaronza

Il suttascret Gion Baptista Huonder da **Mompe Tujetsch** sa e po en cunscienza declarar cheutras, che mo suandonts baghetgs sil **Bostg Dadora** hagian dretgs e regress da pretender lenna per diever e manteniment da quels dalla vischnaunca da **Tujetsch**:

1^{mo} Baghetg da Rest Mathiu Huonder, ch'auda ussa tier a Basilei Huonder e Thomas Jagmet da **Mompe Tujetsch**

2^{do} Baghetg da statalter Rest Desax, che auda ussa tier a Clau Schmid da **Cunel**.

3^{zto} Baghetg da Clau Martin Huonder che auda ussa tier Giachen e Florin Bigliel da **Mompe Tujetsch**.

Ils sura baghetgs han mintgin sia tegia, las qualas han era mintgina dretgs da pretender lenna per mantener quellas dalla vischnaunca.

Il sura attesta talis e qualis sco ei scret

Tujetsch, ils 26 da zercladur 1882

Gion Baptista Huonder

Declaronza. lenna per baghetgs dal Bostg
1882
B169

Il suttascret Gion Baptista Huonder, da Mompe Tujetsch sa e po en cunscienza declarar, cheutras, che mo suandonts baghetgs sil Bostg Dadora hagian dretgs e regress da pretender lenna per diever e manteniment da quels dalla vischnaunca de Tujetsch:

1^{mo} Baghetg da Rest Mathiu Huonder, ch'auda ussa tier a Basilei Huonder e Thomas Jagmet da Mompe Tujetsch.

2^{do} Baghetg de Rest Desax, che auda ussa tier a Clau Schmid, da Cunel.

3^{zto} Baghetg de Clau Martin Huonder, che auda ussa tier a Giachen e Florin Bigliel da Mompe Tujetsch.

Il sura baghetgs han mintgin sia tegia, las qualas han era mintgina dretgs da pretender lenna per mantener quellas dalla vischnaunca.

Il sura attesta talis e qualis sco ei scret

Tujetsch ils 26 de Lenz 1882. Gion Baptista Huonder



Ils sis umens han scursau las plontas e sepresentan al fotograf. Davontier seniester Alfons Beer da **Surrein** e Valentin Berther-Huonder, **Sedrun**. Davostier da seniester Baseli Schmid, da Placi, Ambrosi Schmidt, da calger Schmidt, Vigeli Cavegn-Monn e Stiafen Beer, **Surrein**.

1883 - Recuors dil vischinadi da Sedrun

Per constatar vegls dretgs vegn priu neunavon il procl da dertgira digl onn 1820. En quel pretendan ils da Sedrun sin in aunc pli vegl dretg, che lubeva il diever dalla pastira a Gonda, damai che quei seigi buca ina pastira separada, mobein ina pastira cumina. Gonda pretenda che Sedrun vevi pli baul in dretg sin la pastira, cura ch' il muvel vegneva aunc buca cargaus ad alp, quei che fuvva il cass entuorn 1810. Ussa hagi mintga vischinadi il dretg sin atgna pastira da casa, damai ch' ins carga ad alp e stoppi mundiar (scumandar il pascular, sinonim: frietar) quella la stad. Gonda ha survegniu dretg.

Recuors dil vischinadi da Sedrun avon il Cussegl Pign

Cuera, ils 28 d'avrel 1883

Avon il Cussegl Pign dil Cantun Grischun

En caussa da recuors dil vischinadi **Sedrun** encunter l'entira vischnaunca **Tujetsch** concernent repartiziun dallas pastiras da casa ha il Cussegl Pign, suenter haver legiu atras il recuors daus en da signur advocat G. Cajacob per **Sedrun**, dataus dils 22 dil meins vargau, e la risposta da signur Florin Berther per la vischnaunca **Tujetsch**, dils 26 d'avrel – ord il qual constat il sequent: Entras il conclus dils 4 da mars vargau ha la vischnaunca renviav anavos in petitium dil vischinadi **Sedrun**, da vuler carschentar igl intschess da lur pastira da casa sin fundament dalla pretensiun, che per temps da stad, hagian ils differents vitgs ni confinonts dall'entira vischnaunca in dretg privat vid las pastiras da casa ad els da vegl enneu concedidas, aschia ch'ina autra repartiziun da quellas sappi buca haver liug, ni vegnir fatga. Encunter quei conclus e sia motivaziun recuora il vischinadi **Sedrun** e gargaia il suandont:

1. Che la vischnaunca **Tujetsch** seigi, sco possessura dallas pastiras da casa obligada da rugalar sin dueivla moda la gudida da quellas tenor basegns, senza prender risguard sin la tochen ussa existenta repartiziun dallas sura numnadas, sin ils vischinadis.

2. Eventuel duei vegnir priu amauns ina pli gesta repartiziun dallas pastiras da casa, entras ina ordonanza dil Cussegl Pign, sin fundament d'ina nova schazegiada da quellas.

La vischnaunca encuntercomi setegn ferm vid il pugn, che la gudida dallas pastiras da casa hagi ina natira privata e vul quei mussar si entras sentenzias giudizialas ord pli vegls temps, dadas giu en semegliontas dispetas denter ils singuls cunfinonts vischinadis, ord las qualas quei character dil dretg da gudiment, vid las da vegl enneu stablamein terminadas pastiras, seigi vegnius renconuschius.

Quera: ils 28 avrel 1883
Avon il Cussegl Pign dil Cantun Grischun.
En caussa da recuors dil vischinadi Sedrun encunter l'entira vischnaunca Tujetsch, concernent repartiziun dallas pastiras da casa ha il Cussegl Pign, suenter haver legiu atras il recuors daus en da signur advocat G. Cajacob per Sedrun, dataus dils 22 dil meins vargau, e la risposta da signur Florin Berther per la vischnaunca Tujetsch dils 26 d'avrel – ord il qual constat il sequent:
Entras il conclus dils 4 de Mars vargau ha la vischnaunca renviav anavos in petitium dil vischinadi Sedrun, da vuler carschentar igl intschess da lur pastira da casa sin fundament dalla pretensiun, che per temps da stad, hagian ils differents vitgs ni confinonts dall'entira vischnaunca in dretg privat vid las pastiras da casa ad els da vegl enneu concedidas, aschia ch'ina autra repartiziun da quellas sappi buca haver liug / ni vegnir fatga.
Encunter quei conclus e sia motivaziun recuora il vischinadi Sedrun e gargaia il sequent:
Che la vischnaunca Tujetsch seigi, sco possessura dallas pastiras da casa obligada da rugalar sin dueivla moda la gudida da quellas tenor basegns, senza prender risguard sin la tochen ussa existenta repartiziun dallas sura numnadas, sin ils vischinadis.
Eventuel duei vegnir priu amauns ina pli gesta repartiziun dallas pastiras da casa, entras ina ordonanza dil Cussegl Pign, sin fundament d'ina nova schazegiada da quellas.
La vischnaunca Tujetsch encuntercomi setegn ferm vid il pugn, che la gudida dallas

Il caracter da dretg privat seigi milsanavon constataus entras ils statuts e controllai conclus da vischnaunca sur la pasculaziun en cass da descargadas avon temps, ni intermisticas, muort neivs, e da tiers che vegnan buca cargai ellas alps en quei senn, ch'ils respectivs tiers dils vischinadis stoppien mintgamai vegnir pasculai exclusivamein sin la pastira da casa cumpartida a quels vischinadis.

In mussament plinavon seresulteschi ord la circumstanzia, che las lavurs cuminas sin las pastiras da casa vegnien adina e dapertut fatgas dils respectivs vischinadis, ils quals tegnien sur da quellas in separau quen.

Da quella posiziun da dretg anora, snega la vischnaunca giu al Cussegl Pign il dretg da decisiun en il present cass da recuors, essend che la repartiziun dallas pastiras da casa sappi buca vegnir rugalada giu sin via d'administraziun, la concernenta dispeta audi plitost avon il derschader civil.

Eventuel tschenta ella plinavon la pretensiun: Il recuors duei vegnir enviaus anavos per materialmein nunfundaus, essend ch'il vischinadi **Sedrun**, possedi schon ussa tonta pastira da casa per guder la stad, sco ella sappi garegiar tenor raschuneivladad e tenor las existentas proporziuns.

- En consideraziun, che domisduas parts renconuschan il dretg da proprietad dall'entira vischnaunca vid alps, uauls e pastiras, e specialmein era vid igl intschess e terren dallas questioneivlas pastiras da casa.

- En consideraziun, che schon ord il factum digl expressivamein renconuschiu dretg da possess dalla vischnaunca sin las pastiras da casa seresuletscha claramein, che la repartiziun da quellas parcelas dil total possess sin ils differents vischinadis, per gudiment dils tiers casa, ha giu liug el senn d'ina ordinaziun administrativa, e ch'ei sa vegnir definiu negin tetel da dretg privat ord la da vegl enneu mai midada existenza da quella ordinaziun.

- En consideraziun che grad las allegadas destinaziuns dils statuts e protocollai conclus da vischnaunca plaidan en quei senn en la questioneivla damonda ed ei setracta aschia d'in object d'administraziun e buca sur d'ina damonda da dretg privat.

- Per consideraziun ch'in caracter da dretg privat en quella damonda, sa era buca vegnir mussau si cun sereclamar sin antecedentas sentenzias giudizialas denter singuls vischinadis confinonts, essend ch'igl uffeci da derschaders d'avon temps exercitava era cumpetenzas administrativas, e che las cumpetenzas dallas autoritads eran da quei temps en general buca exactamein zavradas si.

- En consideraziun ch'il present recuors croda consequentamein en la cumpetenzza da decisiun dil Cussegl Pign

- En consideraziun era ch'ils acts, quei che appartegn igl eventual petitium dils recurrents dattan buc il sufficient sclariment schebein quel seigi fundaus ni nunfundaus.

Renconuschiu

1. La vischnaunca **Tujetsch** vegn envid'navos cun sia pretensiun ariguard l'incumpetenzza dil Cussegl Pign.

2. Igl ei caussa dalla vischnaunca, sco possessura dallas pastiras da casa da relaschar commensuradas ordinaziuns sur dil gudiment da quellas entras ils differents vischinadis, mintgamai tenor las circumstanziass ed il basegns da quels.

3. En la damonda dil vischinadi **Sedrun**, per ordinaziun d'ina revisiun dalla presenta repartiziun dallas pastiras da casa, intrescha il Cussegl Pign ussa buc en, sonder surlai als vischinadis da s'entelgir cun l'entira vischnaunca en quella caussa, resalva aber en cass da novas lamentaschuns en quei punct, d'instradar tenor circumstanziass ina expertisa.

Il present conclus duei vegnir communicaus allas parts, ils produci acts e la admissa segirada restituidas.

Il president
per quel
B. Werth

En num dil Cussegl Pign

il directur da canzlia
Marckion

Documents en connex cun la dispeta denter la vischnaunca ed il vischinadi da Sedrun

Pastira Sedrun	Posiziun Cussegl Pign	versiun romontscha	28 d'avrel 1883
Pastira Sedrun	Posiziun Cussegl Pign	versiun tudestga	28 d'avrel 1883
Pastira Sedrun	Cussegl Pign		20 da fenadur 1883
Pastira Sedrun	Cussegl Pign		1. d'uost 1883
Pastira Sedrun	Cussegl Pign		12 da settember 1883
Pastira Sedrun	Cussegl Pign		6 da november 1883



Sedrun